

(तृतीयोऽध्यायः ॥ वर्गाः 1-31)

(7)

47

(म.5, अनु.4)

ऋषिः प्रतिरथः आत्रेयः	छन्दः त्रिष्टुप्	देवता विश्वे देवाः
प्रयुञ्जती दिव एति ब्रुवाणा मही माता दुहितुर्बोधयन्ती		
आविवासन्ती युवतिर्मनीषा पितृभ्य आ सदर्ने जोहुवाना	॥ 1 ॥	
अजिरासस्तदप ईयमाना आतस्थिवांसो अमृतस्य नाभिम्		
अनुन्तास उरवो विश्वतः सीं परि द्यावापृथिवी यन्ति पन्थाः	॥ 2 ॥	
उक्षा समुद्रो अरुषः सुपर्णः पूर्वस्य योनिं पितुरा विवेश		
मध्ये दिवो निहितः पृश्निरश्मा वि चक्रमे रजसस्पात्यन्तौ	॥ 3 ॥	
चत्वार ईं बिभ्रति क्षेमयन्तो दश गर्भं चरसे धापयन्ते		
त्रिधातवः परमा अस्य गावो दिवश्चरन्ति परि सद्यो अन्तान्	॥ 4 ॥	
इदं वपुर्निवचनं जनासश्चरन्ति यन्नद्यस्तस्थुरापः		
द्वे यदीं बिभृतो मातुरन्ये इहेह जाते यम्याइ सबन्धू	॥ 5 ॥	
वि तन्वते धियो अस्मा अपांसि वस्त्रा पुत्राय मातरौ वयन्ति		
उपप्रक्षे वृषणो मोदमाना दिवस्पथा वध्वो यन्त्यच्छ	॥ 6 ॥	
तदस्तु मित्रावरुणा तदग्रे शं योरस्मभ्यमिदमस्तु शस्तम्		
अशीमर्हि गाधमुत प्रतिष्ठां नमो दिवे बृहते सादनाय	॥ 7 ॥	

(5)

48

(म.5, अनु.4)

ऋषिः प्रतिभानुः आत्रेयः	छन्दः जगती	देवता विश्वे देवाः
कदु प्रियाय धाम्ने मनामहे स्वक्षत्राय स्वयंशसे महे वयम्		
आमेन्यस्य रजसो यदभ्र आं अपो वृणाना वितनोति मायिनी	॥ 1 ॥	
ता अन्नत व्युनं वीरवक्षणं समान्या वृतया विश्वमा रजः		
अपो अपाचीरपरा अपैजते प्र पूर्वाभिस्तिरते देवयुर्जनः	॥ 2 ॥	
आ ग्रावभिरहन्यैभिरक्तुभिर्वरिष्ठं वज्रमा जिघर्ति मायिनि		
शतं वा यस्य प्रचरन्त्स्वे दमे संवर्तयन्तो वि च वर्तयन्नहा	॥ 3 ॥	
तामस्य रीतिं परशोरिव प्रत्यनीकमख्यं भुजे अस्य वर्षसः		
सचा यदि पितुमन्तमिव क्षयं रत्नं दधाति भरहूतये विशे	॥ 4 ॥	
स जिह्वया चतुरनीक ऋञ्जते चारु वसानो वरुणो यतन्नरिम्		
न तस्य विद्म पुरुषत्वता वयं यतो भगः सविता दाति वार्यम्	॥ 5 ॥	

(5)

49

(म.5, अनु.4)

ऋषिः प्रतिप्रभः आत्रेयः	छन्दः त्रिष्टुप्	देवता विश्वे देवाः
-------------------------	------------------	--------------------

देवं वाँ अद्य सवितारमेषे भगं च रत्नं विभजन्तमायोः		
आ वाँ नरा पुरुभुजा ववृत्यां दिवेदिवे चिदश्विना सखीयन्	1	
प्रति प्रयाणमसुरस्य विद्वान्तसूक्तैर्देवं सवितारं दुवस्य		
उपं ब्रुवीत् नमसा विज्ञानञ्ज्येष्ठं च रत्नं विभजन्तमायोः	2	
अदत्रया दयते वार्याणि पूषा भगो अदितिर्वस्त उस्रः		
इन्द्रो विष्णुर्वरुणो मित्रो अग्रिरहानि भद्रा जनयन्त दुस्माः	3	
तन्नो अनर्वा सविता वरुथं तत्सिन्धव इषयन्तो अनु ग्मन्		
उप यद्वोचै अध्वरस्य होता रायः स्याम् पतयो वाजरत्नाः	4	
प्र ये वसुभ्य ईवदा नमो दुर्ये मित्रे वरुणे सूक्तवाचः		
अवैत्वभ्वं कृणुता वरीयो दिवस्पृथिव्योरवसा मदेम	5	

(5)

50

(म.5, अनु.4)

ऋषिः स्वस्त्यात्रेयः	छन्दः अनुष्टुप् 1-4, पङ्क्तिः 5	देवता विश्वे देवाः
----------------------	---------------------------------	--------------------

विश्वो देवस्य नेतुर्मतो वुरीत सख्यम्	विश्वो राय इषुध्यति द्युम्रं वृणीत पुष्यसे	1
ते ते देव नेतुर्ये चेमाँ अनुशसे	ते राया ते ह्याःपृचे सचेमहि सचथ्यैः	2
अतो न आ नृनतिथीनतः पत्नीर्दशस्यत	आरे विश्वं पथेष्ठां द्विषो युयोतु यूयुविः	3
यत्र वह्निरभिर्हितो दुद्रवद्रोण्यः पशुः	नृमणा वीरपस्त्योऽर्णा धीरेव सनिता	4
एष ते देव नेता रथस्पतिः शं रयिः		
शं राये शं स्वस्तय इषुःस्तुतो मनामहे देवस्तुतो मनामहे		5

(15)

51

(म.5, अनु.4)

ऋषिः स्वस्त्यात्रेयः	छन्दः गायत्री 1-4, उष्णिक 5-10, जगती त्रिष्टुप् वा 11-13, अनुष्टुप् 14-15	देवता विश्वे देवाः
----------------------	---	--------------------

अग्ने सुतस्य पीतये विश्वैरूर्मेभिरा गहि	देवेभिर्हव्यदातये	1
ऋतधीतय आ गत सत्यधर्माणो अध्वरम्	अग्नेः पिबत जिह्वया	2
विप्रेभिर्विप्र सन्त्य प्रातर्यावभिरा गहि	देवेभिः सोमपीतये	3
अयं सोमश्चमू सुतोऽमत्रे परि षिच्यते	प्रिय इन्द्राय वायवे	4
वायवा याहि वीतये जुषाणो हव्यदातये	पिबा सुतस्यान्धसो अभि प्रयः	5
इन्द्रश्च वायवेषां सुतानां पीतिर्महथः	ताञ्जुषेथामरेपसावभि प्रयः	6
सुता इन्द्राय वायवे सोमासो दध्याशिरः	निम्रं न यन्ति सिन्धवोऽभि प्रयः	7

स्रुर्विश्वेभिर्देवेभिर्श्विभ्यामुषसा स्रुः । आ याह्यग्रे अत्रिवत्सुते रण ॥ 8 ॥  
 स्रुर्मित्रावरुणाभ्यां स्रुः सोमेन विष्णुना । आ याह्यग्रे अत्रिवत्सुते रण ॥ 9 ॥  
 स्रुरादित्यैर्वसुभिः स्रुरिन्द्रेण वायुना । आ याह्यग्रे अत्रिवत्सुते रण ॥ 10 ॥  
 स्वस्ति नो मिमीतामश्विना भगः स्वस्ति देव्यदितिरनर्वणः ।  
 स्वस्ति पूषा असुरो दधातु नः स्वस्ति द्यावापृथिवी सुचेतुना ॥ 11 ॥  
 स्वस्तये वायुमुप ब्रवामहे सोमं स्वस्ति भुवनस्य यस्पतिः ।  
 बृहस्पतिं सर्वगणं स्वस्तये स्वस्तये आदित्यासो भवन्तु नः ॥ 12 ॥  
 विश्वे देवा नो अद्या स्वस्तये वैश्वानरो वसुरग्निः स्वस्तये ।  
 देवा अवन्वृभवः स्वस्तये स्वस्ति नो रुद्रः पात्वंहसः ॥ 13 ॥  
 स्वस्ति मित्रावरुणा स्वस्ति पथ्ये रेवति स्वस्ति न इन्द्रश्चाग्निश्च स्वस्ति नो अदिते कृधि ॥ 14 ॥  
 स्वस्ति पन्थामनु चरेम सूर्याचन्द्रमसाविव । पुनर्ददताघ्नता जानता सं गमेमहि ॥ 15 ॥

(17)

52

(म.5, अनु.4)

ऋषिः श्यावाश्वः आत्रेयः	छन्दः अनुष्टुप् 1-5,7-16, पङ्क्तिः 6,17	देवता मरुतः
-------------------------	---	-------------

प्र श्यावाश्व धृष्णुयार्चा मरुद्भिर्ऋक्भिः । ये अद्रोघमनुष्वधं श्रवो मदन्ति यज्ञियाः ॥ 1 ॥  
 ते हि स्थिरस्य शर्वसुः सखायः सन्ति धृष्णुया । ते यामन्ना धृषद्विनस्मना पान्ति शश्वतः ॥ 2 ॥  
 ते स्पन्द्रासो नोक्षणोऽति ष्कन्दन्ति शर्वरी । मरुतामधा महो दिवि क्षमा च मन्महे ॥ 3 ॥  
 मरुत्सु वो दधीमहि स्तोमं यज्ञं च धृष्णुया । विश्वे ये मानुषा युगा पान्ति मर्त्यं रिषः ॥ 4 ॥  
 अर्हन्तो ये सुदानवो नरो असांमिशवसः । प्र यज्ञं यज्ञियेभ्यो दिवो अर्चा मरुद्भिः ॥ 5 ॥  
 आ रुक्मैरा युधा नरं ऋष्या ऋष्टीरसृक्षत ।  
 अन्वेनां अहं विद्युतो मरुतो जङ्गतीरिव भानुरर्तु त्मना दिवः ॥ 6 ॥  
 ये वावृधन्त पार्थिवा य उरावन्तरिक्ष आ । वृजनै वा नदीनां सधस्थै वा महो दिवः ॥ 7 ॥  
 शर्धो मारुतमुच्छंस सत्यशवसमृध्वसम् । उत स्म ते शुभे नरः प्र स्पन्द्रा युजत त्मना ॥ 8 ॥  
 उत स्म ते परुष्यामूर्णां वसत शुन्ध्यवः । उत पृथ्या रथानामद्रिं भिन्दन्त्योर्जसा ॥ 9 ॥  
 आपथयो विपथयोऽन्तस्पथा अनुपथाः । एतेभिर्मह्यं नामभिर्यज्ञं विष्टार ओहते ॥ 10 ॥  
 अधा नरो न्योहतेऽधा नियुत ओहते । अधा पारावता इति चित्रा रूपाणि दश्या ॥ 11 ॥  
 छन्दःस्तुभः कुभन्यव उत्सुमा कीरिणो नृतुः ।  
 ते मे के चित्र तायव ऊमा आसन्दृशि त्विषे ॥ 12 ॥  
 य ऋष्या ऋष्टिविद्युतः क्वयः सन्ति वेधसः । तमृषे मारुतं गणं नमस्या रमया गिरा ॥ 13 ॥  
 अच्छ ऋषे मारुतं गणं दाना मित्रं न योषणा ।  
 दिवो वा धृष्णव ओर्जसा स्तुता धीभिरिषण्यत ॥ 14 ॥  
 नू मन्वान एषां देवां अच्छा न वक्षणा । दाना सचेत सूरिभिर्यामश्रुतेभिरुज्जिभिः ॥ 15 ॥  
 प्र ये मे बन्ध्वेषे गां वोचन्त सूरयः पृश्निं वोचन्त मातरम् ।

अधा पितरमिष्मिणं रुद्रं वोचन्तु शिक्कसः ॥ 16 ॥  
 सप्त मे सप्त शाकिन् एकमेका शता ददुः  
 यमुनायामधि श्रुतमुद्राधो गव्यं मृजे नि राधो अश्व्यं मृजे ॥ 17 ॥

(16)

53

(म.5, अनु.4)

ऋषिः श्यावाश्वः आत्रेयः	छन्दः ककुप् 1,5,10-11,15, बृहती 2, अनुष्टुप् 3, पुरउष्णिक् 4,
सतोबृहती 6-7,9,13-14,16, गायत्री 8,12	देवता मरुतः

को वैद जानमेषां को वा पुरा सुम्नेष्वास मरुताम् । यद्युयुजे किल्लास्यः ॥ 1 ॥  
 ऐतान्रथेषु तस्थुषुः कः शुश्राव कथा ययुः।कस्मै ससुः सुदासे अन्वापय इळाभिवृष्टयः सह ॥ 2 ॥  
 ते म आहुर्य आययुरुप् द्युभिर्विभिर्मदे । नरो मर्या अरेपस इमान्पश्यन्निति ष्टुहि ॥ 3 ॥  
 ये अञ्जिषु ये वाशीषु स्वभानवः स्रक्षु रुक्मेषु खादिषु । श्राया रथेषु धन्वसु ॥ 4 ॥  
 युष्माकं स्मा रथां अनु मुदे दधे मरुतो जीरदानवः । वृष्टी द्यावो यतीरिव ॥ 5 ॥  
 आ यं नरः सुदानवो ददाशुषे दिवः कोशमचुच्यवुः  
 वि पर्जन्यं सृजन्ति रोदसी अनु धन्वना यन्ति वृष्टयः ॥ 6 ॥  
 तत्तृदानाः सिन्धवः क्षोदसा रजः प्र संस्रुधेनवो यथा  
 स्यन्ना अश्वाइवाध्वनो विमोचने वि यद्वर्तन्त एन्यः ॥ 7 ॥  
 आ यात मरुतो दिव आन्तरिक्षादुमादुत । माव स्थात परावर्तः ॥ 8 ॥  
 मा वो रसानितभा कुभा क्रुमुर्मा वः सिन्धुर्नि रौरमत्  
 मा वः परि ष्ठात्सरयुः पुरीषिण्यस्मे इत्सुम्नस्तु वः ॥ 9 ॥  
 तं वः शर्ध रथानां त्वेषं गणं मारुतं नव्यसीनाम् । अनु प्र यन्ति वृष्टयः ॥ 10 ॥  
 शर्धशर्ध व एषां व्रातंव्रातं गणंगणं सुशस्तिभिः । अनु क्रामेम धीतिभिः ॥ 11 ॥  
 कस्मा अद्य सुजाताय रातहव्याय प्र ययुः । एना यामेन मरुतः ॥ 12 ॥  
 येन तोकाय तनयाय धान्यं बीजं वहध्वे अक्षितम्  
 अस्मभ्यं तद्धत्तन यद्व ईमहे राधो विश्वायु सौभगम् ॥ 13 ॥  
 अतीयाम निदस्तिरः स्वस्तिभिर्हित्वावद्यमरातीः  
 वृष्टी शं योराप उस्त्रि भैषजं स्याम मरुतः सह ॥ 14 ॥  
 सुदेवः संमहासति सुवीरो नरो मरुतः स मर्त्यः । यं त्रायध्वे स्याम ते ॥ 15 ॥  
 स्तुहि भोजान्स्तुवतो अस्य यामनि रण्णावो न यवसे ।  
 यतः पूर्वाइव सखीरनु ह्य गिरा गृणीहि कामिन ॥ 16 ॥

(15)

54

(म.5, अनु.4)

ऋषिः श्यावाश्वः आत्रेयः	छन्दः जगती 1-13,15, त्रिष्टुप् 14
	देवता मरुतः

प्र शर्धाय मारुताय स्वभानव इमां वाचमनजा पर्वतच्युते ।  
 घर्मस्तुभे दिव आ पृष्टयज्वने द्युम्नश्रवसे महि नृम्णमर्चत ॥ 1 ॥

प्र वो मरुतस्तविषा उदन्यवो वयोवृधो अश्वयुजः परिज्रयः	
सं विद्युता दधति वाशति त्रितः स्वरन्त्यापोऽवना परिज्रयः	॥ 2 ॥
विद्युन्महसो नरो अश्मदिद्यवो वार्तत्विषो मरुतः पर्वतच्युतः	
अब्दया चिन्मुहुरा ह्यदुनीवृतः स्तनयदमा रभसा उदौजसः	॥ 3 ॥
व्यंशून्नुद्रा व्यहानि शिक्कसो व्यंशन्तरिक्षं वि रजांसि धूतयः	
वि यदज्राँ अजथ नाव ई यथा वि दुर्गाणि मरुतो नाह रिष्यथ	॥ 4 ॥
तद्वीर्यं वो मरुतो महित्वनं दीर्घं ततान् सूर्यो न योजनम्	
एता न यामे अगृभीतशोचिषोऽनश्वदां यन्नयातना गिरिम्	॥ 5 ॥
अभ्राजि शर्धो मरुतो यदर्णसं मोषथा वृक्षं कपनेव वेधसः	
अध स्मा नो अरमतिं सजोषसश्चक्षुरिव यन्तमनु नेषथा सुगम्	॥ 6 ॥
न स जीयते मरुतो न हन्यते न स्रेधति न व्यथते न रिष्यति	
नास्य राय उप दस्यन्ति नोतय ऋषिं वा यं राजानं वा सुषूदथ	॥ 7 ॥
नियुत्वन्तो ग्रामजितो यथा नरोऽर्यमणो न मरुतः कवन्धिनः	
पिन्वन्त्युत्सं यदिनासो अस्वरन्व्युन्दन्ति पृथिवीं मध्वो अन्धसा	॥ 8 ॥
प्रवत्वतीयं पृथिवी मरुद्भ्यः प्रवत्वती द्यौर्भवति प्रयद्भ्यः	
प्रवत्वतीः पृथ्या अन्तरिक्ष्याः प्रवत्वन्तः पर्वता जीरदानवः	॥ 9 ॥
यन्मरुतः सभरसः स्वर्णरः सूर्य उदिते मदथा दिवो नरः	
न वोऽश्वाः श्रथयन्ताह सिस्रतः सद्यो अस्याध्वनः पारमश्रुथ	॥ 10 ॥
अंसेषु व ऋष्टयः पत्सु खादयो वक्षःसु रुक्मा मरुतो रथे शुभः	
अग्निभ्राजसो विद्युतो गर्भस्त्योः शिप्राः शीर्षसु वितता हिरण्ययीः	॥ 11 ॥
तं नाकमर्यो अगृभीतशोचिषं रुशत्पिप्पलं मरुतो वि धूनुथ	
समच्यन्त वृजनातित्विषन्त यत्स्वरन्ति घोषं विततमृतायवः	॥ 12 ॥
युष्मादत्तस्य मरुतो विचेतसो रायः स्याम रथ्योर् वयस्वतः	
न यो युच्छति तिष्योर् यथा दिवोर्स्मे रारन्त मरुतः सहस्रिणाम्	॥ 13 ॥
यूयं रयिं मरुतः स्पार्हवीरं यूयमृषिमवथ सामविप्रम्	
यूयमर्वन्तं भरताय वाजं यूयं धत्थ राजानं श्रुष्टिमन्तम्	॥ 14 ॥
तद्वो यामि द्रविणं सद्यऊतयो येना स्वर्णं ततनाम् नूरभि	
इदं सु मे मरुतो हर्यता वचो यस्य तरेम् तरसा शतं हिमाः	॥ 15 ॥

(10)

55

(म.5, अनु.4)

ऋषिः श्यावाश्वः आत्रेयः

छन्दः जगती 1-9, त्रिष्टुप् 10

देवता मरुतः

प्रयज्यवो मरुतो भ्राजदृष्टयो बृहद्वयो दधिरे रुक्मवक्षसः	
ईर्यन्ते अश्वैः सुयमैभिराशुभिः शुभं यातामनु रथा अवृत्सत	॥ 1 ॥

स्वयं दधिध्वे तविषीं यथा विद बृहन्महान्त उर्विया वि राजथ	
उतान्तरिक्षं ममिरे व्योजसा शुभं यातामनु रथा अवृत्सत	॥ 2 ॥
साकं जाताः सुभ्वः साकमुक्षिताः श्रिये चिदा प्रतरं वावृधुर्नरः	
विरोकिणः सूर्यस्येव रश्मयः शुभं यातामनु रथा अवृत्सत	॥ 3 ॥
आभूषेण्यं वो मरुतो महित्वनं दिद्वक्षेण्यं सूर्यस्येव चक्षणम्	
उतो अस्मां अमृतत्वे दधातनु शुभं यातामनु रथा अवृत्सत	॥ 4 ॥
उदीरयथा मरुतः समुद्रतो यूयं वृष्टिं वर्षयथा पुरीषिणः	
न वो दस्त्रा उप दस्यन्ति धेनवः शुभं यातामनु रथा अवृत्सत	॥ 5 ॥
यदश्वान्धूर्षु पृषतीरयुग्ध्वं हिरण्ययान्प्रत्यत्कां अमुग्ध्वम्	
विश्वा इत्स्पृधो मरुतो व्यस्यथ शुभं यातामनु रथा अवृत्सत	॥ 6 ॥
न पर्वता न नद्यो वरन्त वो यत्राचिध्वं मरुतो गच्छथेदु तत्	
उत द्यावापृथिवी याथना परि शुभं यातामनु रथा अवृत्सत	॥ 7 ॥
यत्पूर्व्यं मरुतो यच्च नूतनं यदुद्यते वसवो यच्च शस्यते	
विश्वस्य तस्य भवथा नवेदसः शुभं यातामनु रथा अवृत्सत	॥ 8 ॥
मृळत नो मरुतो मा वधिष्टनास्मभ्यं शर्म बहुलं वि यन्तन	
अधि स्तोत्रस्यं सुख्यस्यं गातनु शुभं यातामनु रथा अवृत्सत	॥ 9 ॥
यूयमस्मान्नयत् वस्यो अच्छा निरंहतिभ्यो मरुतो गृणानाः	
जुषध्वं नो हव्यदातिं यजत्रा व्यं स्याम् पतयो रयीणाम्	॥ 10 ॥

(9)

56

(म.5, अनु.4)

ऋषिः श्यावाश्वः आत्रेयः	छन्दः बृहती 1-2,4-6,8-9, सतोबृहती 3,7	देवता मरुतः
-------------------------	---------------------------------------	-------------

अग्ने शर्धन्तुमा गुणं पिष्टं रुक्मेभिर्रुज्जिभिः	
विशो अद्य मरुतामव ह्वये दिवश्चिद्रोचनादधि	॥ 1 ॥
यथा चिन्मन्यसे हृदा तदिन्मे जग्मुराशसः	
ये ते नेदिष्टं हवनान्यागमन्तान्वर्ध भीमसंहशः	॥ 2 ॥
मीळहुष्मतीव पृथिवी पराहता मदन्त्येत्यस्मदा	
ऋक्षो न वो मरुतः शिमीवां अमो दुधो गौरिव भीम्युः	॥ 3 ॥
नि ये रिणन्त्योजसा वृथा गावो न दुर्धुरः	
अश्मानं चित्स्वर्यं पर्वतं गिरिं प्र च्यावयन्ति यामभिः	॥ 4 ॥
उत्तिष्ठ नूनमेषां स्तोमैः समुक्षितानाम्	
मरुतां पुरुतमपूर्व्यं गवां सर्गमिव ह्वये	॥ 5 ॥
युङ्गध्वं ह्यरुषी रथे युङ्गध्वं रथेषु रोहितः	
युङ्गध्वं हरीं अजिरा धुरि वोळहवे वहिष्ठा धुरि वोळहवे	॥ 6 ॥
उत स्य वाज्यरुषस्तुविष्वणिारिह स्म धायि दर्शतः	

मा वो यामेषु मरुतश्चिरं कर्त्त्र तं रथेषु चोदत	॥ 7 ॥
रथं नु मारुतं वयं श्रवस्युमा हुवामहे	
आ यस्मिन्तस्थौ सुरणानि बिभ्रती सचा मरुत्सु रोदसी	॥ 8 ॥
तं वः शर्धं रथेशुभं त्वेषं पनस्युमा हुवे	
यस्मिन्सुजाता सुभगा महीयते सचा मरुत्सु मीळुषी	॥ 9 ॥

(8)

57

(म.5, अनु.5)

ऋषिः श्यावाश्वः आत्रेयः

छन्दः जगती 1-6, त्रिष्टुप् 7-8

देवता मरुतः

आ रुद्रासु इन्द्रवन्तः सजोषसो हिरण्यरथाः सुविताय गन्तन	
इयं वो अस्मत्प्रति हर्यते मतिस्तृष्णजे न दिव उत्सा उदन्यवे	॥ 1 ॥
वाशीमन्त ऋष्टिमन्तो मनीषिणः सुधन्वान् इषुमन्तो निषङ्गिणः	
स्वश्वाः स्थ सुरथाः पृश्निमातरः स्वायुधा मरुतो याथना शुभम्	॥ 2 ॥
धुनुथ द्यां पर्वतान्दाशुषे वसु नि वो वना जिहते यामनो भिया	
कोपयथ पृथिवीं पृश्निमातरः शुभे यदुग्राः पृषतीरयुग्ध्वम्	॥ 3 ॥
वार्तत्विषो मरुतो वर्षनिणिजो यमाइव सुसदशः सुपेशसः	
पिशङ्गाश्वा अरुणाश्वा अरेपसुः प्रत्वक्षसो महिना द्यौरिवोरवः	॥ 4 ॥
पुरुद्रप्सा अञ्जिमन्तः सुदानवस्त्वेषसदशो अनवभ्रराधसः	
सुजातासो जनुषा रुक्मवक्षसो दिवो अर्का अमृतं नाम भेजिरे	॥ 5 ॥
ऋष्टयो वो मरुतो असंयोरधि सह ओजो बाहोर्वो बलं हितम्	
नृम्णा शीर्षस्वायुधा रथेषु वो विश्वा वः श्रीरधि तनूषु पिपिशे	॥ 6 ॥
गोमदश्वावद्रथवत्सुवीरं चन्द्रवद्राधो मरुतो ददा नः	
प्रशस्तिं नः कुणुत रुद्रियासो भक्षीय वोऽवसो दैव्यस्य	॥ 7 ॥
हृये नरो मरुतो मृळता नस्तुवीमघासो अमृता ऋतज्ञाः	
सत्यंश्रुतः कवयो युवानो बृहद्विरयो बृहदुक्षमाणाः	॥ 8 ॥

(8)

58

(म.5, अनु.5)

ऋषिः श्यावाश्वः आत्रेयः

छन्दः त्रिष्टुप्

देवता मरुतः

तमु नूनं तविषीमन्तमेषां स्तुषे गुणं मारुतं नव्यसीनाम्	
य आश्वश्वा अमवद्वहन्त उतेशिरे अमृतस्य स्वराजः	॥ 1 ॥
त्वेषं गुणं त्वसं खादिहस्तं धुनिव्रतं मायिनं दार्तिवारम्	
मयोभुवो ये अमिता महित्वा वन्दस्व विप्र तुविरार्धसो नृन्	॥ 2 ॥
आ वो यन्तूदवाहासो अद्य वृष्टिं ये विश्वे मरुतो जुनन्ति	
अयं यो अग्निर्मरुतः समिद्ध एतं जुषध्वं कवयो युवानः	॥ 3 ॥
यूयं राजानुमिर्यं जनाय विभवतष्टं जनयथा यजत्राः	
युष्मदैति मुष्टिहा बाहुजूतो युष्मत्सदशो मरुतः सुवीरः	॥ 4 ॥
अराइवेदचरमा अहेव प्रप्रं जायन्ते अकवा महोभिः	
पृश्रैः पुत्रा उपमासो रभिष्टाः स्वया मृत्या मरुतः सं मिमिक्षुः	॥ 5 ॥

यत्प्रायासिष्ट पृषतीभिरश्वैर्वीळुपुविभिर्मरुतो रथैभिः |  
 क्षोदन्त आपो रिणते वनान्यवोस्त्रियो वृषभः क्रन्दतु द्यौः || 6 ||  
 प्रथिष्ट यामनृथिवी चिदेषां भर्तवु गर्भं स्वमिच्छवो धुः |  
 वातान्द्वान्धुर्यायुयुज्रे वर्षं स्वेदं चक्रिरे रुद्रियासः || 7 ||  
 ह्ये नरो मरुतो मृळता नस्तुवीमघासो अमृता ऋतज्ञाः |  
 सत्यंश्रुतः कवयो युवानो बृहद्विरयो बृहदुक्षमाणाः || 8 ||

(8)

59

(म.5, अनु.5)

ऋषिः श्यावाश्वः आत्रेयः	छन्दः जगती 1-7, त्रिष्टुप् 8	देवता मरुतः
-------------------------	------------------------------	-------------

प्र वः स्पळक्रन्त्सुविताय द्वावनेऽर्चा दिवे प्र पृथिव्या ऋतं भरे |  
 उक्षन्ते अश्वान्तरुषन्त आ रजोऽनु स्वं भानुं श्रथयन्ते अर्णवैः || 1 ||  
 अमादेषां भियसा भूमिरेजति नौर्न पूर्णा क्षरति व्यथिर्यती |  
 दूरेदृशो ये चितयन्त एमभिरन्तर्महे विदथे येतिरे नरः || 2 ||  
 गवामिव श्रियसे शृङ्गमुत्तमं सूर्यो न चक्षु रजसो विसर्जने |  
 अत्याइव सुभ्वश्चारवः स्थन मर्याइव श्रियसे चेतथा नरः || 3 ||  
 को वो महान्ति महतामुदश्रवत्कस्काव्या मरुतः को ह पौस्या |  
 यूयं ह भूमिं किरणं न रैजथ प्र यद्भरध्वे सुविताय द्वावने || 4 ||  
 अश्वाइवेदरुषासः सबन्धवः शूराइव प्रयुधुः प्रोत युयुधुः |  
 मर्याइव सुवृधो वावृधुर्नरः सूर्यस्य चक्षुः प्र मिनन्ति वृष्टिभिः || 5 ||  
 ते अज्येष्ठा अर्कनिष्ठास उद्भिदोऽमध्यमासो महसा वि वावृधुः |  
 सुजातासो जनुषा पृश्निमातरो दिवो मर्या आ नो अच्छा जिगातन || 6 ||  
 वयो न ये श्रेणीः प्पुुरोज्सान्तान्दिवो बृहतः सानुनस्परि |  
 अश्वास एषामुभये यथा विदुः प्र पर्वतस्य नभनूरचुच्यवुः || 7 ||  
 मिमातु द्यौरदितिर्वीतये नः सं दानुचित्रा उषसो यतन्ताम् |  
 आचुच्यवुर्दिव्यं कोशमेत ऋषे रुद्रस्य मरुतो गृणानाः || 8 ||

(8)

60

(म.5, अनु.5)

ऋषिः श्यावाश्वः आत्रेयः	छन्दः त्रिष्टुप् 1-6, जगती 7-8	देवता मरुतः अग्रामरुतौ वा
-------------------------	--------------------------------	---------------------------

ईळै अग्निं स्ववसं नमोभिरिह प्रसुतो वि चयत्कृतं नः |  
 रथैरिव प्र भरे वाज्यद्विः प्रदक्षिणिन्मरुतां स्तोममृध्याम् || 1 ||  
 आ ये तस्थुः पृषतीषु श्रुतासु सुखेषु रुद्रा मरुतो रथेषु |  
 वना चिदुग्रा जिहते नि वो भिया पृथिवी चिद्रेजते पर्वतश्चित् || 2 ||  
 पर्वतश्चिन्महि वृद्धो बिभाय दिवश्चित्सानु रेजत स्वने वः |  
 यत्क्रीळथ मरुत ऋष्टिमन्त आपइव सध्व्यञ्चो धवध्वे || 3 ||  
 वराइवेद्रेवतासो हिरण्यैरभि स्वधाभिस्तन्वः पिपिश्रे |  
 श्रिये श्रेयांसस्तवसो रथेषु सूत्रा महांसि चक्रिरे तनूषु || 4 ||



अज्येष्ठासो अकनिष्ठास एते सं भ्रातरौ वावृधुः सौभगाय	
युवा पिता स्वपा रुद्र एषां सुदुघा पृश्निः सुदिना मरुद्भ्यः	॥ 5 ॥
यदुत्तमे मरुतो मध्यमे वा यद्वावमे सुभगासो दिवि ष्ट	
अतो नो रुद्रा उत वा न्वश्याग्रै वित्ताद्धविषो यद्यजाम	॥ 6 ॥
अग्निश्च यन्मरुतो विश्ववेदसो दिवो वहध्व उत्तरादधि ष्णुभिः	
ते मन्दसाना धुनयो रिशादसो वामं धत्त यजमानाय सुन्वते	॥ 7 ॥
अग्रै मरुद्भिः शुभयद्भिर्ऋक्भिः सोमं पिब मन्दसानो गणश्रिभिः	
पावकेभिर्विश्वमिन्वेभिरायुभिर्वैश्वानर प्रदिवा केतुना सजूः	॥ 8 ॥

(19)

61

(म.5, अनु.5)

ऋषिः श्यावाश्वः आत्रेयः छन्दः गायत्री 1-4,6-8,10-19, अनुष्टुप् 5, सतोबृहती 9 देवता मरुतः 1-4,11-16, तरन्तमहिषी शशीयसी 5-8, वैददश्विः पुरुमीळहः 9, वैवदश्विः तरन्तः राजा 10, दार्यः राजा रथवीतिः 17-19

के ष्ठा नरः श्रेष्ठतमा य एकैक आयय	परमस्याः परावतः	॥ 1 ॥
क्वोऽश्वाः क्वभीशवः कथं शैक कथा यय	पृष्ठे सदो नसोर्यमः	॥ 2 ॥
जघने चोद एषां वि सुकथानि नरो यमुः	पुत्रकृथे न जनयः	॥ 3 ॥
परा वीरास एतन् मर्यासो भद्रजानयः	अग्रितपो यथासथ	॥ 4 ॥
सन्त्साश्व्यं पशुमुत गव्यं शतावयम्	श्यावाश्वस्तुताय या दोर्वीरायोपबर्बृहत्	॥ 5 ॥
उत त्वा स्त्री शशीयसी पुंसो भवति वस्यसी	अदेवत्रादराधसः	॥ 6 ॥
वि या जानाति जसुरिं वि तृष्यन्तं वि कामिनम्	देवत्रा कृणुते मनः	॥ 7 ॥
उत घा नेमो अस्तुतः पुमाँ इति ब्रुवे पणिः	स वैरदेय इत्समः	॥ 8 ॥
उत मैऽरपद्युवतिर्मन्दुषी प्रति श्यावाय वर्तनिम्		
वि रोहिता पुरुमीळहार्य येमतुविप्राय दीर्घयशसे		॥ 9 ॥
यो मे धेनूनां शतं वैददश्विर्यथा ददत्	तरन्तइव मंहना	॥ 10 ॥
य ई वहन्त आशुभिः पिबन्तो मदिरं मधु	अत्र श्रवांसि दधिरे	॥ 11 ॥
येषां श्रियाधि रोदसी विभ्राजन्ते रथेष्व	दिवि रुक्मइवोपरि	॥ 12 ॥
युवा स मारुतो गणस्त्वेषरथो अनेद्यः	शुभंयावाप्रतिष्कृतः	॥ 13 ॥
को वैद नूनमेषां यत्रा मरन्ति धूतयः	ऋतजाता अरेपसः	॥ 14 ॥
यूयं मर्तं विपन्यवः प्रणेतारं इत्था धिया	श्रोतारो यामहूतिषु	॥ 15 ॥
ते नो वसूनि काम्या पुरुश्चन्द्रा रिशादसः	आ यज्ञियासो ववृत्तन	॥ 16 ॥
एतं मे स्तोममूर्म्ये दार्याय परा वह	गिरो देवि रथीरिव	॥ 17 ॥
उत मे वोचतादिति सूतसोमे रथवीतौ	न कामो अप वेति मे	॥ 18 ॥
एष क्षेति रथवीतिर्मघवा गोमतीरनु	पर्वतेष्वर्पश्रितः	॥ 19 ॥

ऋषिः श्रुतवित् आत्रेयः	छन्दः त्रिष्टुप्	देवता मित्रावरुणौ
------------------------	------------------	-------------------

ऋतेन ऋतमपिहितं ध्रुवं वां सूर्यस्य यत्र विमुचन्त्यश्वान्	
दर्शं शता सह तस्थुस्तदेकं देवानां श्रेष्ठं वपुषामपश्यम्	॥ 1 ॥
तत्सु वां मित्रावरुणा महित्वमीर्मा तस्थुषीरहभिर्दुदुहे	
विश्वाः पिन्वथुः स्वसरस्य धेना अनु वामेकः पविरा ववर्त	॥ 2 ॥
अधारयतं पृथिवीमुत द्यां मित्रराजाना वरुणा महौभिः	
वर्धयत्तमोषधीः पिन्वतं गा अव वृष्टिं सृजतं जीरदानू	॥ 3 ॥
आ वामश्वासः सुयुजो वहन्तु यतरंशमय उप यन्त्वर्वाक्	
घृतस्य निर्णिगनु वर्तते वामुप सिन्धवः प्रदिवि क्षरन्ति	॥ 4 ॥
अनु श्रुताममतिं वर्धदुर्वी बर्हिरेव यजुषा रक्षमाणा	
नमस्वन्ता धृतदक्षाधि गर्ते मित्रासाथे वरुणेळास्वन्तः	॥ 5 ॥
अक्रविहस्ता सुकृते परस्पा यं त्रासाथे वरुणेळास्वन्तः	
राजाना क्षत्रमहणीयमाना सहस्रस्थूणं बिभृथः सह द्वौ	॥ 6 ॥
हिरण्यनिर्णिगयो अस्य स्थूणा वि भ्राजते दिव्यश्श्वार्जनीव	
भद्रे क्षेत्रे निर्मिता तिल्विले वा सनेम मध्वो अधिगर्त्यस्य	॥ 7 ॥
हिरण्यरूपमुषसो व्युष्टावयःस्थूणमुदिता सूर्यस्य	
आ रोहत्यो वरुण मित्र गर्तमतश्चक्षथे अदितिं दितिं च	॥ 8 ॥
यद्वंहिष्ठं नातिविधे सुदानू अच्छिद्रं शर्म भुवनस्य गोपा	
तेन नो मित्रावरुणावविष्टं सिषासन्तो जिगीवांसः स्याम	॥ 9 ॥

| इति चतुर्थाष्टके तृतीयोऽध्यायः समाप्तः |